

2024

Årsmelding Jæren turlag 2024



Jæren Turlag

Anne Reidun Garpestad - leiar

05.02.2024

Årsmelding 2024

Jæren turlag består av medlemmar i Stavanger Turistforening (STF) frå kommunane Gjesdal, Hå, Klepp og Time. Melder du deg inn i STF, og bur i ein av desse fire kommunane, vert du automatisk medlem i Jæren turlag. Jæren turlag har 3404 medlemmar i 2024.

Styret i 2024

Årsmøtet vart gjennomført 22. februar 2024 på Time Bibliotek. Det var 31 personar som deltok.

Styret i 2024 har bestått av:

Leiar: Anne Reidun Garpestad

Nestleiar: Anne Grete Madland Tjemsland. Sekretær: Margreta Hauge Clementsen. Kasserer: Nadine Friese. Leiar Barnas Turlag Jæren: Einar Jordebrekk. Styremedlemmar: Alf Kåre Sirevåg og Gry Veronika Line, Varamedlemmar: Anna Lena Sjølyst og Øystein Hauge Clementsen.

Valkomiteen har bestått av Inger Tjørve og Randi Otterlei Malmin.

Styret har hatt 10 styremøte.

Styret hadde strategisamling på Fjøløy turisthytte i oktober.

Det har vore to digitale møte mellom dei ulike turlaga og STF. Fokus på møta var mellom anna turplanlegging, informasjon frå STF og risikovurderingar.

Jæren Turlag har delteke i eit nettverk for ulike frilufsorganisasjonar i Gjesdal kommune. Turlaget har delteke med 3 personar. Det har vore 2 møte i 2024.

Administrasjonen i Stavanger Turistforening arrangerte samling for alle turlaga i januar. Jæren turlag deltok med 4 personar frå styret.

Jæren turlag var 10 år i 2024. Dette vart feira med aktivitetsdagar ved dagsturhyttene i våre medlemskommunar og i samarbeid med kommunane. Mange barnefamiliar deltok.

Samarbeid med andre

Turlaget har hatt samarbeid med frivilligsentralane og flyktingtenesta i Gjesdal, Klepp og Time og Jæren Friluftsråd. Dette samarbeidet starta i 2022 og har blitt utvida i 2024.

Dette samarbeidet førte til at Jæren turlag, saman med Time og Klepp Frivilligsentral og Jæren Friluftsråd søkte om midlar frå Sparebankstiftelsen SR-Bank for å legge til rette for friluftsliv og aktivitet for flyktningar i desse kommunane. Søknaden vart innvilga og me fekk kr 160 000 til prosjektet. Midla skal først og fremst brukast til transport, sidan det er lite kollektivtransport til turområda på Jæren.

Samarbeidsprosjektet har vore ein suksess. Det vart difor søkt om nye midlar for 2025 frå Sparebankstiftelsen SR-Bank. Prosjektet fekk innvilga kr 120 000 til å vidareføra prosjektet i 2025.

Jæren turlag sitt bidrag i prosjektet i 2024 har vore:

- 5 turar med til saman 240 deltakarar
- 3 opne arrangement, der det er tilrettelagt for deltaking frå frivilligsentralane.



Frå turen til Synesvarden og Steinkjerringa, og til Fisketjørnbu

Turar

Jæren Turlag har fire ulike turgrupper/turalternativ:

- Nærturar
- Barnas Turlag Jæren
- Høgt og Lågt
- Fjellturar

Nærturar

I lag med jærkommunane Gjesdal, Hå, Klepp og Time har Jæren Turlag merka 26 turløyper rundt tettstadane i desse fire kommunane. I 2024 har turlaget gjennomført 25 turar med totalt 458 deltakarar. Det er alltid to turleiarar med på turane og turane går både på dei merka nærturane, men og på nærturar som ikkje er merka. Det har i 2024 vore laga ein digital turforlder for at det skal vera lett å ha oversikt over turane.



Bilete frå turen til Håfjell på Lye i juni og frå Kalbergskogen i oktober.

Barnas Turlag Jæren

Det har vore gjennomført 7 turar og arrangement. Det har vore varierte turar, som tur til Brekkenuten med matlaging ute og nissetur til dagsturhytta Frøya. Overnattingsturane til Grautheller og friluftsgården Mån var populære.

Turlaget arrangerte Kom-deg-ut-dagen i februar i Sandtangen på Bryne og ved Melsvatnet i september med god deltaking. I september var det tur med ulike postar rundt Melsvatnet. Det var moglegheit for kanopadling for dei som ville. Til arrangementet ved Melsvatnet var det sett opp buss frå Bryne og Klepp i samarbeid med frivilligsentralane, slik at arrangementet skulle vera lettare tilgjengeleg for alle. Dette var eit positivt tiltak og førte til mange nye deltakarar.



Nisseturen i desember samla om lag 90 små og store.

Magisk stemning ved Frøya, med bål, gløgg og varme bålpanner. Små og store kosa seg. Det var felles tur frå både Sandtangen og Klepp stasjon, med turleiarar.



Høgt og lågt

Det er gjennomført 8 turar med til saman 157 deltakarar. Det har vore turar både i Gjesdal, Sandnes, Stavanger, Sokndal, Randaberg og Bjerkreim kommunar. I 2025 vil turgruppa starta eit samarbeid med 60+ i STF.



Frå turen til Vistnes i Randaberg kommune.

Fjellturar

Det er gjennomført 7 turar med til saman 103-deltakarar. I år har vi hatt overnattingstur til Blåfjellenden. Her er bilete frå turen til Vallresknuten.



Jæren turlag har i 2024 gjennomført 55 turar og arrangement. Deltakardagar er 1871.

Ingen turar har vorte avlyste. Turlaget har trykt opp turprogram også i 2024.

Førjulsfest

Den tradisjonelle førjulsfesten vart i år avlyst på grunn av for få påmelde.

Dagsturhyttene

Jæren Turlag har avtale med Hå, Klepp og Time kommune om reinhald og tilsyn med dagsturhyttene. Turlaget har etablert tre fadderlag som har ansvar for kvar si dagsturhytte. Det



er til saman om lag 28 personar som deltek. I tillegg har me på Frøya med oss ei gruppe elevar og lærar frå Klepp ungdomsskule som har friluftsliv som valfag og ei gruppe elevar frå Bryne vidaregåande skule.

Jæren Turlag deltok på opninga av dagsturhytta Melsbu i Time kommune. Turlaget sitt bidrag var servering av pølser, saft og kaffe.

Merking av stiar

Det er sommaren 2024 gjennomført merking av stiar i Madland. Desse stiane var opprinneleg merka på byrjinga av 2000-talet av Stavanger Turistforening. Det er 10 personar som bidreg til merking i Madlandsheia og dei har utført tilsaman 150 dugnadstimar og fleire mil med stiar er merka.

I samband med merkinga såg ein og behov for meir skilting og nye klopper over våte parti. Nye skilt er sett opp og klopper er lagt ut i sommar. Tilsaman 400 meter med klopper er lagt ut. Stor takk til dugnadsgruppa i Sandnes turlag som gjorde jobben. Alle dugnadstimer som dugnadsgruppa i Sandnes Turlag har utført er ført på Sandnes turlag





Gjesdal kommune har godkjent byggesøknaden for ny bru over elva ved dagsturhytta og over Tverrånå i Tverromdalen. Bruene vil verta sett opp vår/sommar 2025. Gjesdal kommune og Sparebanken Sør har gitt økonomisk støtte til nye skilt, klopper og nye bruer.

Det har vore gjennomgang av merkinga på fleire nærturar både i Klepp og Time. Turlaget har bidratt med merking av turløyper i Time, i samband med Ti turar i Time.

Naustet på Reime

I samarbeid med Hå kommune, Stavanger Turistforening og grunneigar har Jæren Turlag i fleire år planlagt å få sett i stand eit naust på Reime. Dette prosjektet passer inn i Stavanger Turistforening si satsing på nærfriluftsliv og turar langs kysten. Naustet ligg langs Kongevegen og kan passe fint som ein plass å eta nista si under tak. Det skrive kontrakt med grunneigar, og Stavanger Turistforening har kjøpt naustet. Hå kommune, Rogaland fylkeskommune og Stavanger turistforening bidrog med midler til sikring av naustet i desember.



I 2024 har vi fått økonomisk støtte av Sparebanken Vest til å engasjera arkitekt og gå i gang med eit forprosjekt. Jæren Kystlag er ein viktig samarbeidspart.

Anna dugnadsarbeid

Turlaget deltok på Sentrumsfesten på Ålgård i juni saman med mange andre frivillige lag og organisasjonar.

Kurs

Jæren turlag har gjennomført 2 kurs i 2024.

I februar var det 4-timars førstehjelpskurs med 11 deltakarar. I oktober vart det arrangert Ambassadørkurs på Bryne i samarbeid med Stavanger Turistforening. Det samla 14 deltakarar.

Konklusjon

Talet på dugnadstimar som er utført i 2024 er 2736 timar. Jæren turlag vil takka alle frivillige som er med som turleiarar, frivillige på arrangement, merking av turar, fadderlaga for dagsturhyttene og andre små og store oppgåver i turlaget. Turlaget har eit godt samarbeid med administrasjonen i Stavanger Turistforening. Tilsette her støtter godt opp om arbeidet i turlaget.

Bilete i Årsmelding 2024 er teke av Ragnar Egeland, Anne Grete Madland Tjemsland, Einar Jordebrekk, Margreta Hauge Clementsen og Anne Reidun Garpestad.

Lye, 5. februar 2025

Anne Reidun Garpestad – leiar Jæren turlag